



KENYATAAN MEDIA
TIMBALAN PERDANA MENTERI
MENTERI PERTAHANAN

17 JULAI 2021

**MENGENAI PELAN PEMULIHAN NEGARA (PPN) & PERINTAH
KAWALAN PERGERAKAN DIPERKETATKAN (PKPD)**

Selangor dan Wilayah Persekutuan Kuala Lumpur kekal di dalam Fasa 1 Pelan Pemulihan Negara (PPN) walaupun Kerajaan telah mengumumkan bahawa Perintah Kawalan Pergerakan Diperketatkan (PKPD) tidak dilanjutkan di dua negeri berkenaan, semalam.

Nilai ambang tiga indikator utama di Selangor dan Kuala Lumpur perlu dicapai sebelum beralih ke Fasa 2. Nilai ambang vaksinasi 10% populasi dewasa sudah dicapai tetapi kes masih tinggi manakala tahap penggunaan katil di unit rawatan rapi (ICU) masih kritikal.

Untuk makluman, PKPD akan dikenakan ke atas lokaliti-lokaliti yang merekodkan trend peningkatan kes COVID-19 yang mendadak.

Pengusaha Industri

Bagi mengekang penularan wabak COVID-19, Kerajaan akan mengambil tindakan tegas terhadap mana-mana pengusaha sektor ekonomi terutamanya kilang-kilang yang tidak mematuhi SOP atau mengingkari arahan Kerajaan.

Justeru, pelaksanaan Op Patuh di bawah Kementerian Dalam Negeri akan dipergiatkan lagi bagi memastikan pematuhan tinggi oleh premis-premis perniagaan dan kilang.

Kerajaan tidak akan berkompromi dengan mana-mana pihak yang kerap mengulangi kesalahan dan tidak teragak-agak untuk menutup operasi premis atau kilang mereka serta merta.

Pada masa yang sama, Op Patuh yang dilaksanakan juga bertujuan meningkatkan kesedaran majikan dalam memastikan keselamatan dan kebajikan pekerja sentiasa dijaga serta terpelihara sekiranya diberi kebenaran beroperasi oleh Kerajaan.

Selain itu, pekerja juga diminta untuk melaporkan kepada pihak berkuasa sekiranya majikan mengambil tindakan beroperasi tanpa kebenaran atau tidak menyediakan tempat kerja yang mematuhi SOP yang telah ditetapkan.

Pelaksanaan PKPD

Sidang Khas MKN telah meneliti pembentangan oleh KKM dan setelah mengambil kira penilaian risiko serta trend jangkitan COVID-19, bersetuju untuk mengenakan PKPD di lokaliti-lokaliti berikut:

BIL	Lokaliti PKPD	Tarikh Mula PKPD	Tarikh Tamat PKPD
1.	Apartment Seri Maju, Kota Kinabalu, Sabah	19 Julai 2021	1 Ogos 2021
2.	Kampung Tinusa 2, Sandakan, Sabah	19 Julai 2021	1 Ogos 2021
3.	Dua (2) Lokaliti di Tawau, Sabah <ul style="list-style-type: none"> • QL Farm Breeder, Jalan Stesen TV • Kuarters Pekerja Onika Kuari 	19 Julai 2021	1 Ogos 2021
4.	Empat (4) lokaliti dalam daerah Rembau, Negeri Sembilan <ul style="list-style-type: none"> • Taman Chembong Utama, Taman Chembong Jaya & 	19 Julai 2021	1 Ogos 2021

	Taman Setia Raja, Mukim Chembong • Taman KSNS, Mukim Pedas		
5.	Pos Iskandar, Bera, Pahang	19 Julai 2021	1 Ogos 2021
6.	Kuala Medang, Lipis, Pahang	19 Julai 2021	1 Ogos 2021
7.	Kampung Garung, Kuching, Sarawak	19 Julai 2021	1 Ogos 2021
8.	Kampung Pasir Hilir, Daerah Lundu, Bahagian Kuching, Sarawak	19 Julai 2021	1 Ogos 2021

SOP bagi kesemua PKPD adalah sama seperti yang diumumkan sebelum ini. Maklumat lanjut boleh diakses di laman sesawang MKN di www.mkn.gov.my

Pelanjutan PKPD

Sidang Khas MKN juga telah meneliti pembentangan KKM mengenai situasi di lokaliti PKPD dan setelah mengambil kira penilaian risiko serta trend jangkitan COVID-19, telah bersetuju untuk melanjutkan PKPD di lokaliti-lokaliti berikut:

BIL	Lokaliti PKPD	Tarikh Tamat PKPD	Cadangan
1.	Tiga (3) Lokaliti di Kuala Muda, Kedah • Taman Bandar Baru Sungai Lalang	18 Julai 2021	Dilanjutkan berkuatkuasa 19 Julai – 1 Ogos 2021

	<ul style="list-style-type: none"> • Taman Lembah Permai • Kawasan Perindustrian Bakar Arang (termasuk Taman Cahaya PKNK) 		
2.	Taman Zifa, Bingkul, Beaufort, Sabah	18 Julai 2021	Dilanjutkan berkuatkuasa 19 Julai – 1 Ogos 2021
3.	Kampung Simpangan, Kota Marudu, Sabah	18 Julai 2021	Dilanjutkan berkuatkuasa 19 Julai – 1 Ogos 2021
4.	Kampung Bukit Tanah, Mukim Bukit Jawa, Pasir Puteh, Kelantan	18 Julai 2021	Dilanjutkan berkuatkuasa 19 Julai – 1 Ogos 2021

SOP COVID-19 di Sektor Perkilangan dan Premis Perniagaan

Kerajaan telah mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam Pasukan Task Force Operasi Pematuhan telah melaksanakan 82,402 pemeriksaan dan *snap check* COVID-19 di seluruh negara dengan jumlah kekuatan anggota seramai 18,526 orang.

Ia termasuk pemeriksaan ke atas 2,239 buah kilang, 14,551 premis perniagaan, 793 tapak pembinaan dan 293 buah asrama penempatan pekerja.

Hasil daripada pemeriksaan tersebut, sebanyak 64 premis meliputi kilang, premis perniagaan dan tapak pembinaan diarahkan tutup kerana gagal mematuhi SOP yang ditetapkan kerajaan.

Task Force Operasi Pematuhan

Task Force Operasi Pematuhan yang diketuai Polis Diraja Malaysia (PDRM) telah melakukan 82,402 pemeriksaan semalam.

Ia melibatkan 4,524 Pasukan Pematuhan yang terdiri daripada 18,526 anggota bagi memantau dan menguatkuasakan pematuhan Prosedur Operasi Standard (SOP) sepanjang Perintah Kawalan Pergerakan (PKP).

Semalam, 433 individu ditahan atas kesalahan ingkar SOP. Daripada jumlah itu, seramai 408 individu dikompaun manakala 25 lagi direman.

Orang ramai diingatkan untuk sentiasa mematuhi SOP yang ditetapkan dan mengamalkan kawalan sendiri dalam usaha untuk memutuskan rantaian jangkitan COVID-19.

Kawalan Sempadan Negara

Operasi BENTENG (Op BENTENG) semalam telah menangkap 39 orang Pendatang Asing Tanpa Izin (PATI) dan merampas empat (4) buah kenderaan darat.

Op BENTENG melibatkan Polis Diraja Malaysia (PDRM), Angkatan Tentera Malaysia (ATM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM) serta agensi-agensi keselamatan lain turut menjalankan 890 Sekatan Jalan Raya (SJR) semalam iaitu:

Op PENAWAR (ATM, PDRM dan RELA)	- 836 SJR
Op BENTENG PDRM	- 45 SJR
Op BENTENG AKSEM	- 9 SJR

Operasi Disinfeksi COVID-19

Semalam, sebanyak 210 operasi disinfeksi telah dilaksanakan di seluruh negara yang merangkumi 72 zon merah, zon jingga (2) dan zon kuning (6).

Operasi disinfeksi ini melibatkan 1,232 anggota Jabatan Bomba dan Penyelamat Malaysia (JBPM) dan 231 Pihak Berkuasa Tempatan (PBT) serta 221 buah jentera JBPM.

Secara kumulatifnya, sebanyak 32,592 operasi disinfeksi merangkumi 157 zon dilakukan sejak 30 Mac 2020. Operasi sanitasi melibatkan pusat perniagaan, kawasan perumahan termasuk Projek Perumahan Rakyat (PPR), tempat awam, pasaraya dan bangunan kerajaan.

Kuarantin Wajib

Semalam, seramai 990 individu tiba di semua pintu masuk antarabangsa dan semuanya telah dikuarantin di stesen-stesen kuarantin di seluruh negara.

Secara kumulatifnya, sejak 24 Julai 2020, seramai 249,925 individu telah pulang ke tanah air dan kesemua ditempatkan di 81 hotel dan 11 Institut Latihan Awam (ILA) serta Institut Pengajian Swasta di seluruh negara.

Daripada jumlah itu, seramai 9,174 individu telah dikuarantin dan 237,454 orang dibenarkan pulang manakala 3,297 lagi dibawa ke hospital.

Saringan Wajib Pekerja Warga Asing

Semalam, seramai 40 warga asing telah menjalani ujian saringan dan daripada jumlah itu, empat (4) orang didapati positif COVID-19.

Secara kumulatifnya, Kementerian Sumber Manusia (KSM) memaklumkan seramai 701,039 pekerja warga asing telah menjalani ujian saringan COVID-19 yang melibatkan 36,450 majikan.

Daripada jumlah itu, seramai 10,419 orang telah disahkan positif COVID-19 manakala 690,620 lagi adalah negatif. Sehingga kini, sebanyak 1,544 buah klinik telah terlibat dengan program saringan ini.

Seperti yang telah diumumkan, ujian saringan COVID-19 adalah diwajibkan kepada semua pekerja warga asing mulai 1 Februari 2021.

Barang Keperluan Asas

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 738 pemantauan harian ke atas 11 jenis bekalan barangan terdiri daripada peruncit (575), pemborong (132) dan pengilang (31).

KPDNHEP juga telah melakukan 1,843 Pemeriksaan Khas Pematuhan SOP dan daripada jumlah itu, 1,837 premis mematuhi SOP manakala enam (6) lagi dikompaun kerana tidak patuh SOP.

Amalkan “lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri. Terima kasih.

#StaySafeStayHome

#AmalkanKawalanKendiri

YAB DATO' SRI ISMAIL SABRI YAAKOB

**TIMBALAN PERDANA MENTERI
MENTERI PERTAHANAN**